

18 জুন, 2021

প্রিয় পরিবারবর্গ,

আমরা সফল হয়েছি!

এই মহামারী আমাদের জীবন ওলট-পালট করে দেয়া স্বত্বেও, আমরা এই শিক্ষা বছরের শেষ প্রান্তে পৌঁছে গেছি। আমাদের পরিবারেরা ও শিক্ষার্থীবৃন্দ এই কঠিন দেড়টি বছর যাবৎ যা অর্জন করেছে, আমি একটি মুহূর্ত সময় নিয়ে সেটার প্রতি সম্মান প্রদর্শন ও উদযাপন করতে চাই। আপনাদের কারণেই আমরা এই শিক্ষা বছরটি দৃঢ়ভাবে শেষ করতে পারছি। কারণ আপনারা ও আপনাদের ছেলেমেয়েরা শিক্ষাকে অগ্রাধিকার দিয়েছেন।

আমার প্রিয় লেখিকা মায়া অ্যাঞ্জেলু (Maya Angelou)-এর একটি উক্তি আছে, যা মানব আত্মার দৃঢ়তা ও সহনশীলতা উল্লেখ করেছে। তার 2009 সালে প্রকাশিত বই *লেটার টু মাই ডটার*-এ, একটি রচনায় অ্যাঞ্জেলু লিখেছেন: “আপনি হয়ত আপনার পারিপার্শ্বিক সকল ঘটনা নিয়ন্ত্রণ করতে পারবেন না, কিন্তু আপনি সেগুলোতে পর্যবসিত না হবার সিদ্ধান্ত নিতে পারেন।”

এই অনুভূতি - প্রতিকূলতার বিরুদ্ধে রুখে দাঁড়ানো - আমাদের অসাধারণ শিক্ষার্থীবৃন্দ ও পরিবারদেরকেই বর্ণনা করে, যারা এই অভূতপূর্ব চ্যালেঞ্জের মুখেও অটল রয়েছেন। একত্রে, আপনারা:

- বাড়িতে শিক্ষা গ্রহণে খাপ খাইয়ে নিয়েছেন, এবং কিছু ক্ষেত্রে বহু মাস পর স্কুল ভবনে ফিরে এসেছেন।
- স্কুলের কাজের প্রতি মনোনিবেশ বজায় রেখেছেন।
- পরিবারের সদস্য এবং বন্ধুদের সাথে সংযোগের নতুন উপায় শিখেছেন।
- দূর থেকে বা রিমোটভাবে শিক্ষা গ্রহণই হোক কি মাস্ক পড়ে স্কুল আসাই হোক, প্রতিটি দিন সর্বোচ্চ চেষ্টা করেছেন।

এছাড়াও আপনারা যখন আপনাদের প্রতিবেশীদের বিরুদ্ধে সহিংসতা ঘটতে দেখেছেন তখন প্রতিবাদ করেছেন এবং সুস্পষ্ট করে দিয়েছেন যে আপনারা কৃষ্ণাঙ্গ-বিদ্বেষী সহিংসতা, ইহুদী ধর্মাবলম্বীদের প্রতি বিদ্বেষ, এশিয়ান-বিদ্বেষী সহিংসতা, ইসলাম ধর্মাবলম্বীদের প্রতি বিদ্বেষ, জাতিবিদ্বেষ, প্রথাগত যৌনপরিচয়ভিন্ন মানুষের প্রতি বিদ্বেষ, অথবা নিত্য নৈমিত্যিকভাবে ক্ষতিসাধনকারী পক্ষপাত এবং বৈষম্যমূলক ঘটনা বরদাস্ত করবেন না। আপনার কমিউনিটির সাথে আপনি একাত্মতার সাথে দাঁড়িয়েছেন—কারণ নিউ ইয়র্কবাসীরা এটাই করে।

একাত্মতার এই একই উদ্দীপনায়, আমি একটি গুরুত্বপূর্ণ তারিখের প্রতি আপনাদের দৃষ্টি আকর্ষণ করতে চাই - 19 জুন - যা, জুনটিনথ নামে পরিচিত এবং এটি যুক্তরাষ্ট্রে দাসত্বের সমাপ্তি উদযাপন করে। একজন শিক্ষক হিসেবে, আমি বিশ্বাস করি যে কৃষ্ণাঙ্গদের ইতিহাস এবং সার্বিকভাবে যুক্তরাষ্ট্রের ইতিহাসের প্রেক্ষাপটে, আমাদের শিক্ষার্থীদেরকে দাসত্বের চলমান রেশ সম্পর্কে শিক্ষা দেয়া অত্যন্ত গুরুত্বপূর্ণ। এবং এখন, জুনটিনথ ইতিহাসের পাতায় লেখা হবে ভিন্ন একটি কারণে: এই সপ্তাহে, কংগ্রেস 19 জুন একটি ফেডারেল ছুটি দিন হিসেবে ঘোষণা দিয়ে একটি আইন পাশ করেছে। এই বছর, জুনটিনথ এসেছে এমন একটি সময় যখন প্রাতিষ্ঠানিক বর্ণবাদ এবং এটা আমাদের প্রতিবেশী, সহযাত্রী নিউ ইয়র্কার ও আমেরিকানদের প্রতি যে ক্ষতিসাধন করে, সেবিষয়ে আমরা অব্যাহতভাবে মানসিক বোঝাপড়া করছি। কোভিড-19 (COVID-19) মহামারী অ-শ্বেতাঙ্গ মানুষের উপর যে অসমানুপাতিক হারে প্রভাব ফেলেছে সেটা নিয়ে আমার ভাবনা হয়। একশত (100) বছর পর, টালসা (Tulsa) গণহত্যা নিয়ে আমাদের সর্বপ্রথম সত্যিকার জাতীয় বোঝাপড়া নিয়েও আমি ভাবি। এবং আমাদের সকল স্কুলের মাঝে সমতা গড়ে তুলতে আমাদের অবশ্য করণীয় নিয়েও আমার ভাবনা হয়।

যদি আপনি জুনটিনথ্ এবং নিউ ইয়র্কবাসী ও কৃষগঞ্জ আমেরিকানদের প্রতি এর তাৎপর্য সম্পর্কে আরো জানতে চান, তবে আমাদের ভিডিও দেখতে ও এই গুরুত্বপূর্ণ দিনটি সম্পর্কে জানার ও চিন্তা-ভাবনা করার জন্য, অনুগ্রহ করে schools.nyc.gov/Juneteenth ওয়েবসাইটটি দেখুন।

আপনার চ্যাসেলর হিসেবে, আমার দায়িত্ব হচ্ছে আমাদের এক মিলিয়ন শিক্ষার্থী যেন বিশ্লেষণী চিন্তা করতে এবং এমন একটি বিশ্বে সফল হবার দক্ষতা শেখা, যেটা আমরা প্রাপ্ত বয়স্করা চিন্তাও করতে পারি না। সত্যিকারভাবে, আমি আপনাদের প্রতি অভিবৃত্ত। আপনারা এবং আপনাদের সন্তানেরা—পরিবর্তন আনার জন্য কীভাবে জাগ্রত হতে হয় তা থেকে শুরু করে কঠিন সময়ে মনোবল দৃঢ় রাখা পর্যন্ত—এই বছর আমাদের অনেক কিছু শিখিয়েছেন। যেসব বিষয় আমরা নিয়ন্ত্রণ করতে পারি না - মায়্যা অ্যাঞ্জেলু (Maya Angelou)-কে অনুসরণ করে সেগুলোতে পর্যবসিত না হয়ে, সেগুলোতে কীভাবে খাপ খাইয়ে নিতে হয়।

যদিও আমি এই দায়িত্বে এসেছি চার মাসেরও কম সময়ের হলো, তবুও একটি বিষয়ে আমি নিশ্চিত: একত্রে, এমন কিছু নেই যা আমরা অর্জন করতে পারিনা। আমরা যদি বিগত দেড় বছর পার হয়ে আসতে পারি, তবে এই সেপ্টেম্বরের জন্য প্রস্তুত হওয়া তো কোন বিষয়ই না। এই হেমন্তে (ফল-এ) সকল শিক্ষার্থীর জন্য সশরীরে শিক্ষা শুরু হবার আগে, আমি 12 বছর এবং এরচেয়ে বেশী বয়সীদের কোভিড-19 (COVID-19) টিকা গ্রহণ করতে উৎসাহিত করছি! এটা আমাদের কমিউনিটি ও সিটিকে নিরাপদ রাখার সর্বশ্রেষ্ঠ উপায়। আপনি আপনার নিজের এবং আপনার সন্তানের জন্য vaccinefinder.nyc.gov সাইটে অ্যাপয়েন্টমেন্ট করতে পারেন।

বিশ (20) বছরের বেশী সময় যাবৎ শিক্ষকতা করার ফলে, একটি অ্যাসাইনমেন্ট দেয়া থেকে আমি নিজেকে সংবরণ করতে পারছি না (ভাবনা কিছু নেই, এটার উপর কোনও পরীক্ষা নেয়া হবে না)। আমি চাই আপনারা এবং আপনাদের সন্তানরা এই বছর যা কিছু অর্জন করেছেন তা উদ্‌যাপন করুন। আমি আশা করছি আপনারা একত্রে সময় ব্যয় করবেন, প্রায়শই আলিঙ্গন করবেন, নতুন অভিজ্ঞতা অর্জন করবেন, আনন্দ করার বিভিন্ন কারণ খুঁজে বের করবেন। এবং নিজেকে পুনরুজ্জীবিত করবেন।

আমরা একত্রে এতদূর এসেছি, এবং এই হেমন্তে (ফল-এ) আমরা একত্রে কী করতে পারি তা দেখার জন্য আমার তর সইছে না।

অংশীদারিত্বে,



মিষা পোর্টার (Meisha Porter)

নিউ ইয়র্ক সিটি স্কুলস চ্যাসেলর

পুনশ্চ: দ্রুত স্মরণ করিয়ে দিতে চাই যে, K-12 গ্রেডের সকল শিক্ষার্থীরা আমাদের বিনা মূল্যে প্রদত্ত, আনন্দদায়ক গ্রীষ্মকালীন শিক্ষায়তনিক ও সমৃদ্ধিমূলক কর্মসূচি - সামার রাইজিংয়ে অংশগ্রহণ করার যোগ্য। আরো জানতে এবং সাইন আপ করতে, অনুগ্রহ করে nyc.gov/summerrising দেখুন।